



КАНОН
О САМОВОЛЬНЁ
ЖИВОТ СВОЙ
СКОНЧАВШИХ

Как молиться
о самоубийцах



КАНОН
О САМОВОЛЬНѢ
ЖИВОТ СВОЙ
СКОНЧАВШИХ

Как молиться
о самоубийцах

МОСКВА * 2007

УДК 24
ББК 86.372
М 75

ISBN 5-7429-058-9

© Православный Свято-Тихоновский гуманитарный университет, 2005

Объяснение

В 1925 г. на Сергиевском Подворье, в Париже, рю де Крим 93, покончил с собою выстрелом один солдат. Он, несомненно, был нездоров умом... У нас его не отпевали...

Но, смущенный смертью его на нашей земле, я обратился через одно лицо к преподобному старцу о. Нектарию Оптинскому с вопросом: что нам делать? Он ответил, чтобы я нашел еще двух человек, которые бы согласились в течение 40 дней читать за него заупокойный канон; и затем предать его в волю Божию.

Разумеется, канон читать нужно было дома, а не за богослужением в храме.

Так мы трое и сделали тогда...



После ко мне обращались и другие по этому вопросу; а недавно просили даже отпевать самоубийцу женщину. Я отказывался, согласно канонам — правило Тимофея Александрийского — и по внутреннему противлению души моей.

Но помня наставления о. Нектария, а также и указание благочестивого Митрополита Новгородского и Петроградского Григория, что можно молиться о самоубийцах в домашней молитве, но и тогда — с предварительною молитвою о помиловании нас, самих молящихся, да не прогневаем Господа, — я обратился в канонник: «можно и во всякую субботу в Октоихе найти заупокойные каноны». Но написанный там канон совершенно непригоден был для молитвы о самоубийцах, ибо там говорилось о скончавшихся «благочестно», «в вере», в «упокоении» и прочее — все это не подходило к вольным «не в сумасшествии» самоубийцам.



Поэтому нужно было целиком почти пере-
делать все тропари.

Может быть, кому-либо пригодится...

...А меня да помилует Господь за дерзно-
вание такое...

Многогрешный м. Вениамин

КАНОН О САМОВОЛЬНЕ ЖИВОТ СВОЙ СКОНЧАВШИХ

глас 2

Песнь 1

Ирмос: Во глубине постла иногда фараонитское всевоинство преоруженная сила; воплощенное же Слово всезлобный грех потребило есть: препрославленный Господь, славно бо прославися.

Упокой, Господи, душу усопшаго раба Твоего...

Читается 1-я кафизма

Всемилобивый Господи, помилуй мя по милости Твоей, пети Тебе начинающа и молитися о убившемся дерзко; да не в суд ми сие будет, ни во осуждение, Судии Праведнейший.



Упокой, Господи, душу усопшаго раба Твоего...

Читается 2-я кафизма

Да не будет молитва моя во грех,
якоже кроткий Давид глаголет: ниже
во отягощѣние души самовольней
смерти преда́вшемуся; но мученик
мольбами оставление прегрешений
наших даруй нам.

Слава Отцу и Сыну и Святому Духу...

Богатую милость присно всем исто-
чая, Всеблагий Христе Боже: и ныне
рабу Твоему (*имярек**), нами Тебе
молящемуся, помилование даруй и с
преставльшимися во благочестии при-
чти, аще и нечестиво сконч́ася в не-
разумии.

И ныне и присно и во веки веков. Аминь.

Утверд́ивши колеблемый ум мой,



Мати Божия, укрепи мя Божественными повеленьми Родившагося из Твоего освященнаго чрева и упразднившаго, Владычице, адово мрачное царство, со дерзновением неосужденно моли́тися об усопшем (*имярек*).

Песнь 3

Ирмос: На камени мя веры утвердив, расширил еси уста моя на враги моя: возвесели бо ся дух мой, внемгда пети: несть свят, якоже Бог наш, и несть праведен паче Тебе, Господи.

Упокой, Господи, душу усопшаго раба Твоего...

Твоея красоты сиянием озаритися усопшему благоволи, в вере с почившими, богатый в милости: Ты бо еси Бог наш, Единый безгрешный и многомилостивый.



Упокой, Господи, душу усопшаго раба Твоего...

На месте прохлаждѣния в вечном покое, сподоби прияти и раба Твоего, малодушне жизнь свою пресекашаго: Ты бо еси един Сильный и немощи наша на ся восприявый, Господи Боже наш.

Слава Отцу и Сыну и Святому Духу...

В черто́зе небеснем водворитися, Владыко, приими раба Твоего (*имярек*), да не услышит он праведнаго Твоего гласа: «Не вем тя», аще и во истину повинен есть сему.

И ныне и присно и во веки веков. Аминь.

Умерщвленных нас воздвигла еси, Богородице, к жизни нетленной, Жизнодавца рождши; и раба Твоего (*имярек*) возведи из ада преисподней-



шаго, Сына Твоего о милости умоля-
юще.

Песнь 4

Ирмос: Пою Тя, слухом бо, Господи,
услышах и ужасохся: до мене бо идеши, мене
ища заблуждшаго. Тем многое Твое снисхож-
дение, еже на мя, прославляю, Многомилос-
стиве.

Упокой, Господи, душу усопшаго раба Твоего...

Во уповании на Тя, Боже, изнемог-
шаго, и насилием вражиим одолен-
наго, раба Твоего пощади, Спасе,
презирая, яко благ, прегрешения его
вольная и невольная.

Упокой, Господи, душу усопшаго раба Твоего...

Милосердия имый неизслéдимую
бездну, Господи, бездну греховную



раба Твоего покрый, Человеколюбче, омыв Кровию Своею грех неведения и маловерия его.

Слава Отцу и Сыну и Святому Духу...

Живыми господствуя и мертвыми владычествуя, помилуй и раба Твоего (*имярек*), власть бо имаши всякую на небеси и на земли, Христе Боже, Отцу соседый и Духом вся очищай.

И ныне и присно и во веки веков. Аминь.

Исцелила еси, Богородительнице, Евино поползновение окаянное; Зиждителя бо родила еси, исправить могущаго тварь погибающую: Того моли и сего раба (*имярек*) неключимаго, заповедь Божию преступльшаго, спасти по единей милости.



Песнь 5

Ирмос: Света подателю и веков Творче, Господи; во свете Твоих повелений настави нас: разве бо Тебе иного Бога не знаем.

Упокой, Господи, душу усопшаго раба Твоего...

Умертвѣвшася и во дно адово по-
ползну́вшася, возведи, Боже, преступ-
ление того заглажда́я; на Кресте бо
грехи наша пришел еси омыти чест-
ною Кровию Своею, Христе, Искупи-
телю всяческих.

Упокой, Господи, душу усопшаго раба Твоего...

Спасти нас прише́дый, Христе Бо-
же, прими ныне и наша недостойная
моления о рабе Твоем (*имярек*); да
муки вечныя избыв, помилован будет
с нами, Спасителю преблагий.

Слава Отцу и Сыну и Святому Духу...





Молим Тя, Слове Божий, аще и дерзновénно сие: прогнéва бо Тя раб Твой (*имярек*), обáче благодáтию Твоею умоляем, не возгнушайся молитв наших и помилуй нас вкúпе, вси бо повíнни есмý пред Тобою, Всесвя-тый Владыко.

И ныне и присно и во веки веков. Аминь.

Под кровом Твоим, Мати Божия, спасаются вси надéющиися на Тя: Твоим заступлением зацити и нас, и сподоби со дерзновением неосужденно молити Сына Твоего о живот свой скончавших безнадежно.

Песнь 6

Ирмос: В бездне греховней валяясь, неизследную милосердия Твоего призываю бездну: от тли, Боже, мя возведи.



Упокой, Господи, душу усопшаго раба Твоего...

Из земли созда́вый человека, Боже, и в землю ныне возврати́вшася, пощади, Господи, в неразумии сокрушившаго скуде́льный сосуд свой: мо́жеши бо, Владыко Творче, и паки возста́вити его от истления.

Упокой, Господи, душу усопшаго раба Твоего...

Неизреченный и непостижимый Господи, щедротами несказанного человеколюбия Твоего помилуй живот свой скончавшаго (*имярек*), презирая согрешения его, яже в ведении и неведении содеянная.

Слава Отцу и Сыну и Святому Духу...

Озаритися милостию Твоею сподоби, Владыко, вольне оставльшаго житие свое (*имярек*) и к свету Твоему



возведи, из тьмы неслетимыя изымая,
милосердия ради.

И ныне и присно и во веки веков. Аминь.

Избавительнице усердно призыва-
ющим Тя, Пречистая Владычице,
Сына Твоего умоли скончавшагося
(имярек) ущедрити: Живота бо и
смерти Владыку родила еси.

Песнь 7

Ирмос: Богопротивное веление беззакон-
нующаго мучителя, высок пламень вознесло
есть; Христос же простре богочестивым отро-
ком росу духовную; Сый благословен и пре-
прославлен.

Упокой, Господи, душу усопшаго раба Твоего...

Во ад с душею, яко Бог, сошедый,
и в рай разбойника с Собою введый,



помяни и ныне раба Твоего (*имярек*), преступлением многим Тя прогнавша, ныне же Тебе нами молящаяся бедне.

Упокой, Господи, душу усопшаго раба Твоего...

Един безгрешный, в мертвых волю вменился еси; да умерщвленных силою человекоубийцы воскресиши с Собою; от державы того исхити и раба Твоего, Всесильне.

Слава Отцу и Сыну и Святому Духу...

Радость присносущную даровати нам воскресением Своим изволивый, от мрачнаго горькаго царства изми раба Твоего (*имярек*), да от муки вечныя свободивыйся, узрит себе одесную Тебе, Судие многомилостивый.

И ныне и присно и во веки веков. Аминь.



Сияние славы Отчей, плотию от Тебя явившагося, умоли, Пресвятая, из áдовы мглы свободити непотрѣбнаго раба Твоего (*имярек*), той бо, яко Матерь, Тебе нами просит.

Песнь 8

Ирмос: Пещь иногда огненная в Вавилоне действия разделяше, Божиим велением халдеи опаляющая, верныя же орошающая, поющая: Благословите, вся дела Господня, Господа.

Упокой, Господи, душу усопшаго раба Твоего...

Смертное царство Своею смертию разоривый, Божественною же силою вход в вечный живот отворзый, не затвори благоутробия Твоего, Прещедрый, и рабу Твоему, аще и прегре-



шившему, обаче и из ада ныне горце
взывающа.

Упокой, господи, душу усопшаго Раба Твоего...

Красоты Твоея насладитися сподоби,
студ греха безобразного очищая
умершаго смертию поносною: един бо
еси, Владыко, греха свободен, крест-
ною смертию за нас умертвился еси.

Слава Отцу и Сыну и Святому Духу...

Исправити хотя падших в персть
смертную, Сам смерти причастен
явился еси, Безсмертный, от смерт-
ных удолий силою Твоею возведи раба
Твоего (*имярек*), лютою смертию
поползнувшего.

И ныне и присно и во веки веков. Аминь.

Велия воистину есть Рождества
Твоего тайна, Богомати: Бога бо во-



плотѣвшагося родила еси; Его же моли, яко Сына Твоего, спасти бедне скончавшася (*имярек*): имаши бо дерзновение к Рóждшемуся от Тебе, благоутрѣбному Спасу мира.

Песнь 9

Ирмос: Яже прежде солнца Светильника Бога возсиявшаго, плотски к нам пришедшаго из боку девичу, неизреченно воплотившая, благословенная, всечистая, Тя, Богородице, величаем.

Упокой, Господи, душу усопшаго раба Твоего...

Имѣяй власть живых и мертвых, пощади, Спасе, раба Твоего, смертию горькою скончавшася: Тебе бо от Отца Твоего дадѣся живѣти и мѣловати, ѡхже хощеши, Сыне Божий.



Упокой, Господи, душу усопшаго раба Твоего...

Преславное множество святых Твоих, Христе, непрестанно молит Тя за грешныя рабы Твоя, да помилуеши, ихже во́лиши, милосердием Твоим и геенны вечныя избавиши.

Слава Отцу и Сыну и Святому Духу...

Благости воистину пучина неизслѣдимая, — благодатию Твоею помилуй прогневавшаго Тя раба Твоего (*имярек*), и нас, молящихся Тебе.

И ныне и присно и во веки веков. Аминь.

Достойно Тя, Богородице, ублажающе, к Тебе, яко матери нашей, притекаем надѣжно; сами себе и брата нашего, малоду́шне скончавшагося, Тебе, Заступнице, и с Тобою Христу Богу предаем смиренно.

«Канон о самовольне живот свой скончавших» митрополита Вениамина (Федченкова) для настоящей публикации был сверен с рукописной копией, находящейся в бумагах владыки Феодора (Текучева), в Псково—Печерском монастыре.

Печатается с минимальной редакторской правкой, с сохранением некоторых особенностей написания, собственных, очевидно, переписчику.

Издатели благодарят диакона Георгия Малкова и П.Ю. Малкова за предоставление материалов для публикации.

Подписано в печать 20.07.2005
Бумага писчая. Печать офсетная
Формат 60х90/32. Объем 0,75 печ. л.
Тираж 20 000 экз. Заказ 115

Отпечатано в типографии
Патриаршего издательско-полиграфического
центра г. Сергиев Посад т/факс: 721-26-45

